

TĒ II PHIⁿ
PHÓ-THONG KHÀN-HŌ-HÀK

TĒ 11 CHIUⁿ
KHÀN-HŌ Ê CHIT CHÓNG-LŪN

Khàn-hō 2 jī sī sím-mih kóe-seh ? “Khàn” chiū-sī khòaⁿ-kò, tiòh khòaⁿ iā tiòh kò. “Hō” -jī sī pó-hō, pang-chān; ì-sù sī hó lāng tiòh chiàu-kò pīⁿ-lāng, íong-kiāⁿ ê lāng tiòh pó-hō ū pīⁿ ê lāng. Ū lāng teh kóng khàn-hō ê chit-bū sī hā-chiān ê kang. Khí-chhō khí chhō lán tiòh chai khàn-hō ê chit sī chin-kùi-ê, lóng sī teh chiàu-kò pīⁿ-lāng. Lán tiòh òe-kì-tit lán ê Kíu-Chú ki-tok tī sè-kan ê sī-chūn, sui-bóng chòe Siōng-tè ê Sèng-ê, iáu-kú hoaⁿ-hí sóe hák-seng ê kha. Hiah ê hák-seng sī hā-chiān ê lāng, thó-hí ê lāng chiū-sī. Tī Sin-iok Sèng-chheh Iok-hān Hok-im-toān tē 13 chiuⁿ, 12 chat kàu 17 chat, ū kì-chài-kóng, “Iā-sō i-keng sóe hák-seng ê kha, chiū chhēng saⁿ, koh-chài chē, kóng, Góa chòe án-ni-siⁿ, lín chai mah? Lín chheng-hō góa chòe sian-siⁿ chòe Chú, lín só kóng ê òe tiòh; góa chin-chiàⁿ sī. Góa chòe Chú, chòe sian-siⁿ, iáu-kú sóe lín ê kha lín iā tiòh tãi-ke sóe kha. In-ūi góa ēng bô-iūⁿ hō lín khòaⁿ, hō lín chhin-chhiūⁿ góa só kiāⁿ, lín iā tiòh kiāⁿ. Góa sít-chāi ká lín kóng, Lô-pòk bōe khah tōa chú-lāng; hō lāng chhe ê lāng, bô khah tōa chhe i ê lāng. Lín nā chai án-ni lâi chòe, chiaⁿ ū hok-khì.”

Iā lán nā kóng khàn-hō hō chòe pīⁿ-lāng ê lô-pòk, iā òe kóng-tit; nā kóng m̄-ài chòe lāng ê lô-pòk tiòh siūⁿ Pó-ló só kóng ê òe, kì-chài tī Hui-lip-pí lāng ê phoe tē 2 chiuⁿ, tē 5 chat kàu tē 7 chat. “Lín tiòh ū Ki-tok Iā-sō ê sim chòe sim; I pún ū Siōng-tè ê hêng-chōng, bô liáh kap Siōng-tè pīⁿ-têng, chòe só tiòh chip-siú-ê, hoán-túg piàⁿ-khang ka-kī, chhú lô-pòk ê hêng-chōng, chiāⁿ-chòe lāng ê iūⁿ-siùⁿ”

Tī Eng-kok gō-cháp-gōa nī chēng, ū chit ê chhut miā ê khàn-hō-hū, miā kiò Nāi-teng-kek-ní Kō-niū. Eng-kok cheng-hú tui-tiōng i ê kang, sàng i gō-cháp bān kho. I ēng chit chân chíⁿ lâi siat-lip khàn-hō ê hák-hāu.

Kàu kin-á-jit tī Se-kok chòe khàn-hō ê lāng, khah chōe sī ū hák-būn chhong-bēng ê lāng. Hông-tè í-kíp kok-ông ê chhin-lāng iā bat chòe khàn-hō-hū. Ták lāng iā chai-iaⁿ chòe lāng, tiòh ū jīn-ài, chū-pi, thiāⁿ-thàng ê sim, chiaⁿ ū hō chòe hó tek-heng ê lāng. Taⁿ tiòh chai chòe khàn-hō-ê, kài ū ki-hōe thang hián-chhut chit hō hó phín-hēng.

Taⁿ beh kóng-khí khàn-hō só eng-kai thàn ê hoat-tō, só eng-kai tiòh tùi-tiōng ê phín-hēng kap kiâⁿ-táh.

Khàn-hō tiòh ka-kī khùn-khùn thak chheh. Kàu-su á-sī i-seng bô êng thang bián-kióng i. Lâng nā ài chìn-pō tiòh pún-sin chhut lát lái óh. Chit pún-chheh ê lái-bīn ū pīⁿ-pān khàn-hō só tiòh chai ê sū, òng-bāng tãi-ke lái óh.

Khàn-hō thâu chit-ē jip i-īⁿ ê sī-chūn, ún-tàng chin chōe hāng iáu-bē chai-iaⁿ. Nā m̄-bat, ài chai, tiòh m̄ng kàu-su tak hāng ê lí-khì, m̄-thang kóng m̄-chai chiū soah-khì.

Tī khàn-hō-sek-lāi tiòh chīn-sim chòe tãi-chì, it-khài tiòh chun-thàn kàu-su ê chí-sī; m̄-chún lām-sám kóng bô chêng-lí ê òe, í-kip oan-ke, siū-khì, chiáh-chiú, chiáh hun. Chòe khàn-hō ê lâng tiòh ū tek-hēng gâu thiàⁿ-lâng, khùn-khoài, koh kín-sīn. Tiòh kín-sīn chīn i ê chit lái chiàu-kò i só koán ê pīⁿ-lâng; iáu-kín tiòh hō i chheng-khì, sòng-khoài, pīⁿ-thé khah khoài hó. Tī i só koán pīⁿ-sek-lāi ê mih-kiāⁿ, lóng tiòh chheng-khì.

Khàn-hō ê lâng, sui-jiân tī pīⁿ-sek tú-tiòh bô tãi-chì êng ê sī iā m̄-thang pîn-tōaⁿ, eng-kai tiòh chhē ū lī-ek ê tãi-chì lái pān. Téng-bīn hiah-ê, chiū-sī khàn-hō ê lâng eng-kai chòe ê tãi-chì. Tiòh chīn pún-hun lái kiâⁿ, sī-siōng chun-siú kui-chek, nā bōe-òe chun-siú, chiū m̄-thang tng khàn-hō ê chit.

Khah chá ê khàn-hō bô sím-mih hák-būn, iā bōe hiáu-tit siá-jī thak-chheh. Kúi pah nī chêng, khàn-hō ê lâng sui-jiân bô sím-mih hák-būn, m̄-kú khàn-hō ê sū khiok sī hó. Chì-u hiān-sī chòe khàn-hō ê lâng, chiū m̄-thang bô hák-būn. Chòe khàn-hō-ê chit hāng tiòh òe bēng-pék kui-chek ê lí-khì, chhin-chhiūⁿ su-hāu pīⁿ-lâng, chéng-tùn pāng-lāi, hit ê iân-kòe chái-iūⁿ tiòh án-ni.

Óh i-seng kap óh khàn-hō bô saⁿ tâng; i-seng ê chit-hūn chiū-sī choan-choan siūⁿ i-tī pīⁿ ê hoat-tō; khàn-hō ê chit chiūⁿ-sī thàn i-seng ê bēng-lēng, chiàu hoat-tō lái kiâⁿ. Sui-bóng sī án-ni, m̄-kú khàn-hō eng-kai tām-pòh bēng-pék iòh ê sèng, chhin-chhiūⁿ sím-mih iòh tī sím-mih pīⁿ, tiòh ēng lōa tâng; iā nā pīⁿ-lâng, chiáh siuⁿ kè-thâu, òe hián-chhut sím-mih chéng-chōng.